

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U JAJCU
Broj: 128 0 Su 0030719 20 Dp
Jajce, 25.01.2020. god.

**NARATIVNI IZVJEŠTAJ O RADU OPĆINSKOG SUDA U JAJCU
za period od 01.01.2019. do 31.12.2019. godine**

Prema godišnjem Izvještaju o radu Općinskog suda u Jajcu u 2019. godini, Predsjednica suda smatra da su rezultati u odnosu na 2018. godinu zadovoljavajući.

Naime, u tijeku izvještajnog perioda, od 01.01.2019.- 31.12.2019. godine, sud je u cijelosti popunjen sa pet sudaca i jednom stručnom suradnicom. Pored šest nositelja pravosudne funkcije koje je imenovalo VSTV BiH, u sudu su zaposlena i četiri državna službenika, 18 namještenika i jedan pripravnik.

U odnosu na 2018. godinu, kada je kvalitet rada suda iznosio 82,80%, primjetan je rast kvalitete rada suda, koji za ovaj izvještajni period iznosi 85,63%.

Ukupan broj donesenih odluka u sudu, na koje se može uložiti pravni lijek, iznosi 2824. Ukupan broj uložених правних lijekova je 99, jedan je odbačeni pravni lijek, broj potvrđenih odluka je 70, broj preinačenih odluka 9, preinačenih odluka donesenih nakon održane glavne rasprave ili pretresa pred drugostupanjskim sudom 3, a broj ukinutih odluka je 17. Broj presuda koje su ukinute i predmet je vraćen na ponovno suđenje je 8, dok djelimično ukinutih nije bilo.

U tijeku izvještajnog perioda primljeno je 4.109 predmeta, a u 2018. godini primljena su 3.053 predmeta, što je za 1.056 predmeta ili 34,58% više nego u prethodnom periodu.

U Zemljišno-knjižnom uredu u tijeku izvještajnog perioda primljeno je 2.671 predmeta, a ukupno u radu je bilo 3.971 predmeta.

U Općinskom sudu u Jajcu, u izvještajnom periodu, u radu je bilo 7.690 predmeta, a u 2018. godini 7.599 predmeta, što je za 91 predmet ili 1,20% više nego u prethodnom izvještajnom periodu.

Ukupnom broju predmeta u radu, njih 7.690, treba dodati ukupan broj u rad uzetih predmeta u Zemljišno knjižnom uredu, njih 3.971, iz čega proizlazi da je u Općinskom sudu u Jajcu u 2019. godini ukupno u radu bilo 11.661 predmeta.

Od ukupnog broja riješeno je 5.109 predmeta, a u 2018. godini 4.017, što je za 1.092 predmeta ili 27,18 % više nego u prethodnom periodu.

Broj riješenih predmeta u Z.k. uredu je 2.939, pa proizlazi da je u Općinskom sudu u Jajcu u 2019. godini ukupno riješeno 8.048 predmeta.

Na osnovu izloženog proizlazi da je ovaj sud u izvještajnom periodu riješio 1.268 predmeta više nego što je zaprimio, odnosno postotak riješenih predmeta veći je za 18,70% u odnosu na broj zaprimljenih predmeta.

Broj neriješenih predmeta na kraju izvještajnog perioda je 2.581 i 1.032 predmeta iz Z.k. ureda pa ukupan broj neriješenih predmeta na kraju izvještajnog perioda u Općinskom sudu u Jajcu iznosi 3.613.

Trajanje postupka (prosječno trajanje postupka na svim referatima, referati na kojima se bilježi predugo trajanje postupka, okolnosti koje dovode do produljenja trajanja postupka, poduzete mjere za skraćenje trajanja postupka itd.):

Prosječno trajanje predmeta u sudu je 457 dana.

Prosječno trajanje predmeta po referatima riješenih u 2019. godini:

- Izvršni - 843 dana (uključeni komunalni predmeti),
- Kazneni referat - 148 dana,
- Parnični referat - 247 dana,
- Vanparnični referat - 356 dana,
- Prekršajni -391 dana (uključeni Ips predmeti).

Okolnosti koje dovode do produljenja trajanja postupka:

- Izvršni postupak traje duže zbog velikog broja komunalnih predmeta u okviru „I“ referata za čije rješavanje je potreban veći broj sudskih izvršitelja od broja sada

zaposlenih u sudu, a za čije zapošljavanje ovaj Kanton za sada nije predvidio sredstva. Prodaja nekretnina po samoj prirodi traje duže zbog vještačenja radi utvrđivanja vrijednosti nekretnine i zbog odlaganja izvršenja po zahtjevu tražitelja izvršenja na duži period i radi procesnih smetnji (izvršenikova adresa nepoznata, objavljivanje oglasa itd).

- Prekršajni postupak duže traje zbog velikog broja Ips predmeta. Stupanjem na snagu novog Zakona o prekršajnom postupku, broj naplaćenih kazni se znatno povećao.
- Iz iznesenih podataka proizlazi da je trajanje postupka u vanparničnom referatu duže nego bi se očekivalo obzirom na broj predmeta, a razlog je što su ostavine kod notara, pa sud nema utjecaja na njihovo rješavanje.

Poduzete mjere za skraćenje trajanje postupka:

Promjena odluke o raspodjeli predmeta i uključivanje svih sudaca u izvršni referat jer su više od 70% ukupnog broja predmeta ovog suda izvršenja.

Takva odluka je urodila plodom jer u izvještajnom periodu broj riješenih predmeta u izvještajnom periodu znatno premašuje priliv.

Važno je još napomenuti da Općinski sud u Jajcu nije imao u izvještajnom periodu predmeta korupcije i privrednog kriminala.

Zaključna zapažanja o radu suda u izvještajnom razdoblju na temelju prikazanih statističkih podataka i informacija navedenih u statističkom izvješću

U 2019. godini ukupna norma suda je iznosila 92,00%, što Predsjednica suda smatra zadovoljavajućim rezultatom, dok je u 2018. godini iznosila 104,87%.

Primjetno je da je u izvještajnom periodu priliv predmeta na svim referatima neznatno porastao. Može se konstatirati da je na izvršnom i parničnom referatu riješen priliv i više od priliva, a na kaznenom i prekršajnom referatu nije savladan ni priliv predmeta.

Kvalitet rada suda u 2019. godini iznosio je 85,63%, a u 2018. godini 82,80%, gdje se primjećuje i porast kvaliteta u odnosu na raniji period.

Postotak realizacije Plana rješavanja starih predmeta u 2019 .godini iznosio je 94,66%, a u 2018. godini 81,85%.

Planirane mjere za poboljšanje stanja u sudu

Kroz analizu ukinutih odluka na stručnom kolegiju, na kolegiju građanskog odjeljenja svakog mjeseca, nastojati poboljšati kvalitet sudskih odluka i poboljšati postotak realizacije Plana u 2020. godini. U tijeku 2020. godine u planu je riješiti sve predmete koji su ostali neriješeni iz Plana za 2019. godinu i predmete starije od 2018. godine. Obzirom da je priliv predmeta sve manji, a time i broj predmeta u sudu, potrebno je više pažnje pokloniti kvaliteti rada suda, pratiti realizaciju Plana na mjesečnom nivou od predsjednice suda i predsjednice građanskog odjeljenja, smanjiti dužinu trajanja sudskih postupaka (angažiranjem većeg broja sudaca na „I“ referati i vanparničnom referatu) i stvarati pozitivnu sliku suda u javnosti.

Predsjednica suda

Safija Cerić